




U Banjoj Luci uhapšen član klana džeparoša u Francuskoj

Nusret Hamidović u ekstradicionom pritvoru

Francuska ga potražuje radi izdržavanja kazne zbog trgovine ljudima

Službenici Sektora kriminalističke policije Centra javne bezbjednosti Banja Luka 13. januara su, na osnovu međunarodne Interpolove potjernice Pariz, u Vidovdanskoj ulici uhapsili Nusreta Hamidovića (Nusret, 36) iz Zagreba zbog krivičnog djela trgovina ljudima na štetu više osoba, definiranog prema odredbama Krivičnog zakona Republike Francuske.

Hamidović je predat Sudu BiH, koji mu je 15. januara odredio ekstradicioni



Privođenje članova klana

pritvor u trajanju od 18 dana.

- Pritvor prema ovom rješenju može trajati do 31.

januara 2016. godine ili nove odluke Suda. Nusreta Hamidovića potražuje Okružni sud Šartr radi izvršenja ostatka kazne zatvora u trajanju od pet mjeseci zbog krivičnih djela učestvovanje u kriminalnoj organizaciji u cilju pripreme krivičnog djela i trgovina ljudima, saopćeno je iz Odjela za odnose s javnošću Suda BiH.

U BiH su prošle godine u akciji **SIPA-e i francuske policije** uhapšeni članovi moćnog klana Fehima Hamidovića, koji su imali raz-

granatu mrežu džeparoša širom Evrope, a istražne agencije vjeruju da je u posljednjih 10 godina pod njihovom kontrolom bilo više od 500 maloljetnika, uglavnom Roma.

Osim u Francuskoj, klan je svoje ogranke imao u Austriji, Italiji, Belgiji i Španiji, što potvrđuju deseci racija, ali i presuda u tim zemljama. Klan je bio veoma dobro organiziran i pod svojom kontrolom imali su na stotine maloljetnih džeparoša, uglavnom djevojčica. **Dž. Bl.**